



REPUBLIKA E KOSOVËS

REPUBLIKA KOSOVA – REPUBLIC OF KOSOVO

GJYKATA THEMELORE E PEJËS

DEGA NË KLINË

P.nr.1 /2018

NË EMËR TË POPULLIT

GJYKATA THEMELORE PEJË - DEGA NË KLINË, Departamenti i Përgjithshëm - Divizioni Penal, sipas Gjyqtarës së vetme gjykuuese Sabrije Rraci me pjesëmarrjen e praktikantit Enis Elezaj në lëndën penale ndaj të pandehuriit B. (S.) B. nga, rr. „.....” nr.111 i akuzuar për shkak të veprës penale: „Arratisja e personit të privuar nga liria” nga neni 405 par. 1 të KPRK-së, i akuzuar sipas aktakuzës së Prokurorisë Themelore në Pejë, PP/ll.nr. 2887/2017, të dt. 05.01.2017, në shqyrtimin fillestar publik të mbajtur në praninë e Prokurores se Shtetit Suada Hamza nga Prokuroria Themelore në Pejë, dhe të pandehurit B. B., pas mbajtjes së seancës fillestare më dt: 12.07.2021, në të njëjtën ditë publikisht shpalli aktgjykimin, kurse me datën: 21.07.2021 mori këtë:

A K T G J Y K I M

I pandehuri: B. B., i biri i S. dhe i nënës G. e vajzërisë M.,, i lindur me dt: ne rr. „.....” ndërsa tani me banim në rr.,, i martuar, baba i 1 fëmije, ka të kryer shkollën e mesme, identifikohet me nr. personal: Shqiptar, shtetas i Republikës se Kosovës, mbrohet ne liri.

ËSHTË FAJTOR

Për shkak se:

Me date 09.12.2017, rreth ores 11: 15 minuta, derisa ishte intervistuar ne Stacionin Policor ne Kline per një rast te dhunes ne familje, dhe pasi qe i njeiti ishte i kerkuar edhe nga Stacioni Policor ne Gjakove, ashtu qe zyrtaret policor nga Gjakova kane ardhur qe te njejtin ta marrin megense kishte nje urdherarrest te leshuar dhe i njeiti eshte i njojur si recidivist, i pandehuri sapo e kuption shfrytezon rastin dhe deri sa polici H. K. ishte duke biseduar me prinderin e tij per urdherarrest, i njeiti largohet me te shpejt nga stacioni Policor i Klines ne drejtim te qytetit, ku menjehere ekipi reagues i vihet pas por nuk arrijne qe ta zëjnë.

me qka ka kryer veper penale, arratisja e personit të privuar nga liria, nga nenit 405 par. 1 të KPRK-së.

Andaj Gjykata në kuptim të neneve: 4,7,21, 31, 41,42,43, 46, të KPPRK-së, dhe nenit 406 par 2 të KPRK-së, si dhe nenit 365 par.1 të KPPRK-së.

G J Y K O N **DËNIM ME GJOBË**

1.Të pandehurin: B. B., Gjykata i përcakton dënimin me gjobë në shumën prej **300 (treqind) euro**, të cilin dënim i pandehuri duhet ta paguaj në afatin prej 15 (pesëmbëdhjetë) ditësh pas plotfuqishmërisë se këtij aktgjykimi.

2.Nëse i pandehuri nuk dëshiron apo nuk mund ta paguaj gjobën e shqiptuar sipas afatit të dhënë, e njëjta gjobë do të zëvendësohet në dënim me burg, konform nenit 46 par.3 të KPRK-së, ku një ditë burgim do ti llogaritet në 20 uro të gjobës.

3.Obligohet: I pandehuri që në emër të pashallit gjyqësor të paguaj shumën prej **20 (njëzetë) euro**, si dhe në emër të taksës për kompensimin e viktimate të krimtit shumën prej **30 (tridhjetë) euro** në afat prej 15 ditësh nga dita e plotfuqishmërisë se këtij aktgjykimi.

A r s y e t i m

Prokuroria Themelore në Pejë-Departamenti i Përgjithshëm, pranë kësaj gjykate ka ngrit aktakuzën PP/II nr. 2887/2017 i dt.05.01.2017 ndaj të pandehurit B. B., nga, rr. „.....” nr. 111. i akuzuar për shkak të veprës penale: „, arratisja e personit të privuar nga liria” nga nenit 405 par. 1 të KPRK-së.

Gjykata mbajti shqyrtimin fillestar me datën 12.07.2021, ne praninë e Prokurores së Shtetit Suada Hamza, dhe të pandehurit B. B., ndërsa duke vepruar konform nenit 245 par 1 të KPPRK-së, nuk i ka ftuar palët tjera në seancën fillestare.

Pas leximit te aktakuzës nga prokurorija e shtetit i pandehuri deklaroj se e pranoj fajësinë për veprën penale për te cilën akuzohet, i cili deklroi se me vjen keq për rastin qe me ka ndodhur, ju premtoj se nuk do te bije ne te ardhmen ndesh me ligjin.

Gjykata kërkon mendimin e mbrojtëses dhe prokurorit të shtetit lidhur me pranimin e fajësisë nga ana e te pandehurit .

Prokurori i shtetit pajtohet me pranimin e fajësisë, i cili pranim ka mbështetje ne provat qe gjenden ne shkresat e lendet, dhe është bere komfor dispozitave ligjore, i propozoj gjykatës qe me rastin e marrjes se vendimit mbi dënim, pranimin e fajësisë nga ana e te pandehurit te merr si rrethanë lehtësuese.

Pas deklarimit te pandehurit se e pranon fajësinë, mendimit të prokurorit se pajtohen me pranimin e fajësisë nga ana e të pandehurit. Gjykata konstatoj se i pandehuri pranon fajësinë ne mënyrë vullnetare, pa asnë presion. I pandehuri është i vetëdijshëm për pasojat dhe përparësitë e pranimit te fajësisë, si dhe te gjitha kërkesat nga neni 248 par. 1 te KPPRK-se janë përbushur. Ashtu që gjykata me aktvendim në procesverbal aprovon deklarimin për pranimin e fajësisë nga ana e te pandehurit.

Duke pas parasysh se gjykata, ka aprovar pranimin e fajësisë nga ana e të pandehurit dhe ka vërtetuar se nuk ekziston asnë rrethanë nga neni 253 par.1 pika 1.1, 1.2 dhe 1.3 të KPPRK-së, si dhe faktin se janë plotësuar kushte nga neni 248 par.1 të KPPRK-së, atëherë në këtë çështje penale nuk është zbatuar procedura e provave, por gjykata ka vazduar me shqiptimin e dënit konform nenit 248 par 4 te KPPRK-se.

Me faktet e ofruara si dhe pranimin e fajësisë nga ana e të pandehurit është vërtetuar se i njëjtë me date 09.12.2017, rrëth ores 11: 15 minuta, derisa ishte intervistuar ne Stacionin Policor ne Kline per një rast te dhunes ne familje, dhe pasi qe i njëjtë ishte i kerkuar edhe nga Stacioni Policor ne Gjakove, ashtu qe zyrtaret policor nga Gjakova kane ardhur qe te njëtin ta marrin megense kishte një urdherarrest te leshuar dhe i njëjtë eshte i njohur si recidivist, i pandehuri sapo e kupton shfrytezon rastin dhe deri sa polici H. K. ishte duke biseduar me prinderin e tij per urdherarrest, i njëjtë largohet me te shpejt nga stacioni Policor i Klines ne drejtim te qytetit, ku menjehere ekipi reagues i vihet pas por nuk arrijne qe ta zëjnë.

Nga gjendja e vërtetuar faktike si është përshkruar në dispozitiv të aktgjykimit, pa dyshim rrjetë se në veprimet e të pandehurit, qëndrojnë të gjitha elementet e veprës penale arratisja e personit të privuar nga liria, nga neni 405 par. 1 të KPRK-së.

Sa i përket fajësisë gjykata ka gjetur se te i pandehuri ka ekzistuar dashja që veprën penale ta kryen në mënyrë të përshkruar si në dispozitiv të aktgjykimit pasi që i pandehuri e ka dëshiruar kryerjen e saj.

Gjatë procedurës penale nuk janë paraqit rrethana të cilat do ta zvogëlojnë apo përjashtojnë përgjegjësin penale të pandehurit, kështu që i njëjtë është penalisht përgjegjës, për veprën penale me të cilën është akuzuar.

Duke vendosur lidhur me llojin dhe lartësinë e dënit, gjykata i ka vlerësuar të gjitha rrethanat lehtësuese dhe renduese ne kuptim te nenit 69 dhe 70 te KPRK-se.

Kështu si rrethana lehtësuese për te pandehurin gjykata gjeti se i pandehuri ka treguar sjellje korrekte, si dhe qe i njëjtë e ka pranuar fajsinë.

Rrethanë rënduese Gjykata dashjen e kryerjes së veprës penale të lartëcekur si dhe dënueshmërinë e saj, ku për ketë vepër penale parashihet dënim me burgim deri në 3 (tri) Vjet.

Gjykata ka ardhur në përfundim se dënim i shqiptuar ndaj të pandehurit është në përputhje me shkallën e përgjegjësisë penale të tij dhe me intensitetin e rrezikimit të vlerave të mbrojtura të shoqërisë. Gjykata gjithashtu është e bindur se vendimi mbi dënim do të shërbej për arritjen e qëllimit të dënit të pajtim me ninen 38 të KPRK-së, si dhe në pengimin e të pandehurit në kryerjen e veprave penale në të ardhmen, por ai do të ndikoj edhe si preventivë e përgjithshme për personat tjerë që të përbahen nga kryerja e veprave penale.

Duke u bazuar në nenin 450 par. 1 dhe 2 të KPPRK-së, gjykata ka përcaktuar paushallin gjyqësorë si në dispozitiv të aktgjykimi.

Vendimi për kompensimin e viktimave të krimit është marrë, konform nenit 39 par. 3 nënpar. 3.1 të Ligjit nr. 05/L-036 për Kompensimin e Viktimave të Krimtit.

Nga arsyet e cekura më lartë dhe me zbatimin e nenit 370 të KPPRK-së është vendosur si në dispozitiv të këtij aktgjykimi.

GJYKATA THEMELORE PEJË-DEGA KLINË
P.nr.1/2018 më dt: 21.07.2021

Praktikanti
Enis Elezaj

Gjyqtarja
Sabrije Rraci

KËSHILLA JURIDIKE:

Kundër këtij aktgjykimi mund të ushtrohet
Ankesë në afat prej 15 ditësh nga dita e
pranimit të njëjtë, përmes kësaj gjykate,
Gjykatës së Apelit në Prishtinë.